

# Minister Hooyboer mustrando cu ocho aña como minister ta suficiente



ORANJESTAD(AAN): A haya e informacion cu Minister Michelle Hooyboer-Winklaar, no lo bay sigui mas den politica. El a splica el a anuncia esaki dos siman pasa durante e conferencia di Dia Internacional di Hende Muhe y den e cuadro a trece padilanti, mirando cu e tema cu el a papia di dje, ta di hende Muhe den politica y a splica cu p'e, despues di 2 periodo como minister, ocho aña como minister, a tuma e decision cu e ta suficiente.

Nunca el a spera pa ta un politico di profesion y esey banda di e hecho cu 8 aña den e luz hopi biaha publico, pa famia ta hopi dificil, vooral ora cu tin yiu mas chikito.

Segun e minister esaki ta un decision cu a tuma como un famia y obviamente esaki

e ta haci'e cu un sentimiento mixto. Den 8 aña sigur tabata un periodo sumamente alegre y den e sentido di e trabao aki unda cu ta topa diferente reto, pero cu por sobrepasa nan, cu por toch mira back cu hopi satisfaccion, pa e minister tabata importante.

Banda di esaki, manera cu el a splica durante e conferencia, e ta keda sostene e partido. Esaki no tin nada di haber cu sali for di e partido of pa join un otro partido, sino tambe un decision personal y cu tin diferente factor involvi, pero mencionando e dosnan mas importante p'e. Ta e momento pa otronan den e partido por haya e oportunidadnan pa sigui si nan ta desea, pa asumi un responsabilidad como minister.